

Rapirapi te pāpaka

Waiariki Parata-Taiapa

Ko Rapirapi te pāpaka

e noho ana i te moana.

Kua huri te tai

kua timu te tai

me haere ki te kimi kai.

Kei hea tāku kai o te rā?

Kei raro pea i te rimurapa?

He mōwhitiwhiti e pekepeke ana

ki wīwī, ki wāwā,

ēngari kāore anō ki tōku waha!

Auare ake, Auare ake!

Kei raro ahau e putu ana!

Kei hea tāku kai o te rā?

Ara! Arā he tuangi,

te uaua hoki te huaki.

Tēnā pea me tukituki.

Patua! Patua!

Kāore he paku aha i pahawa!

Auare ake! Auare ake!

Kei raro ahau e putu ana!

Kei hea tāku kai o te rā?

Kei runga pea i te kōhatu?

He pūpū, he rūharu.

Auē, taukiri e!

Kuua toka ki te tumu!

Pakaru ngā hamuti,

kāore anō kia pukuwheti.

Kaha whitikina e te rā,

he aha tērā e rere ana?

Ngē! Ngē! Ngāngā!

He Tarāpunga e topa ana!

Aiii! Āwaia! Ko ahau kē te kai o te rā!

Kua topaki,

Kua tauihi,

Kua tapakō i te rangi.

E ngawī, e ngawē!

Karokaro ana te haere.

Tata ngau ki tōku tou,

kua huri te tai, me hoki ahau.

Ānana! He aha kē kei tua?

He waewae nō te tangata
e kohikohi tuangi ana.

Puuuuiii, haunga pūtanetane,
pakaru mai te stink!

Tēnā pea me waiho,
he rā anō āpōpō!